

terminum à quo notat etiam potestatem, à quâ resultat hæc acceptio cohortis.

16. Πρὸς τῆ θύρα εἰσῆκει) πρὸς cum Dat. apud, antè, ad, juxtà, c. 20, 12.

37. *Ad hoc in mundum veni*) Inter alia fivè alios fines Adventûs mei in carnem est etiam officium meum Propheticum, cujus summa est testimonium Veritatis.

## CAP. XIX.

Vers. 14.

**H** *Oraverat circiter sexta*) Scil. non diei, illa enim à Marco c. 15, 25. designatur fuisse tertia, & sextâ jam cruci affixus erat, sed intelligitur hora sexta ab illo tempore, quo Christum ex horto Gethsemane abductum hinc indè raptarunt ab uno Judicio ad alterum.

12. ἐκ τῆς ) Scil. χεῖρας.

## CAP. XX.

Vers. 1.

**I** E. primo. Die Solis. Vid. Act. 20, 7.

10. Πρὸς ἑαυτὰς ἀπῆλθον) Apud seipfos abeundo abiverunt, i. e. cogitando secum ipsis de hæc re. Conf. Luc. 15, 17.

17. Μὴ μὲ ἀπτε) Nonne, num (quin) me tangis? i. e. omninò me tange & palpa, annon sim verè Jesus & non Spectrum vel Angelus ejus, quare dum adhuc licet, tange me, quia nondum ascendi ad Patrem meum, quo factò non amplius me, ut jam, videre ac tangere poteritis. *Vel* etiam sensus esse potest hic: Noli me tangere hæc vice, quia nondû ascendi, i. e. dabitur post hæc locus me tangendi aut amplexandi, quia per aliquot dies adhuc vobiscum in visibili hæc conversatione commorabor; Nunc ergò tantùm propera, & annuncia fratribus meis (Conf. Esa. 62, 2. Ps. 22, 23. Apoc. 2, 17.) quod ascensurus sim, quapropter ut & illi quamprimùm hujus Evangelii participes fiant, hæc vice tantùm propera ad afferendum illis hoc nuntium.

17. Ἀπτε) pro ἀπτη ex Hebraismo, permutatâ secundâ pluralis Præsentis cum secundâ plur. Imperativi. Conf. Joel. 2, 16. קבצו pro קבצו nisi dagesch illud sit Euphonicum. it. Ps. 78, 7 in voce שְׁלַחְו pro שְׁלַחְו

CAP.